

D'Aufblattler Tanzherrn - Rud

Rudenkirtag Sierning Faschingdienstag 13.2.2018



<p>Griaß eich Gott liabe leit, is wieda Aufblattler-Zeit. Ob auf Twitter, Facebook, mia ham Follower genug. Posten und Kommentiern, das de Shitstorm aufziagn. Unsa Gsangi is ka Stus, und Gstanzl kane Fake News.</p>	<p>Im Altenheim sehng a paar Weiber in Brunnmayr Erwin va da RAIBA, wiara ba eah aufs „Häusl“ joggt. An älters Leut' hodn drauf gfragt, ob er im Heim jetzt is dahoam - des wolltert wissen de „alt' Moam“. Van Ausschau her, do glaubert ma, er g'herat längst zan Inventar!</p>
<p>Sexuelle Belästigung is jetzt tabu für Alt und Jung. Sogoa a ganz a hoamlos 's Bussi is schau z' vü für manche „Tussi“. G'scheiter warats für uns Herrn, wann d' Weiber olle lesbisch werd'n. Ois Mau, da bist heut' besser drau, schaffst da a Gummipupp'n au...</p>	<p>In Buagamoastan va Siag'n tan s' sein Sessel reparier'n, schliesslich braucht er im Büro an komod'n Sitz für 's „Loh“. Da Großauer in Gott's Nam schoast eam des Trum wieda zaum. Jetzt kau da Kalchi nimmer klag'n, doss 'n „Stuhl-Probleme“ plag'n!</p>
<p>Z' Schiedlberg hab'n s' über d' Nacht a Orts-Chronik aussa bracht, fünf komma acht Kilo schwaab, doch san de letztn Seit'n laar. Seit'n Singer Hans sein „Dienstbeginn“ hab'n s' leider nix mehr „eni“ g'schrieb'n, denn seit er Orts-Chef is, der Mau, hat si dort nimma recht vü tau!</p>	<p>Der Lehner Hans, - net scho wieder schneidt an Bam neuli nieder, is in Buchegger auffi-gschnellt, dass s eahm d Zähnd aussiprellt, muass sein Urlaub storniern, zwegn an Goscherl repariern Drauf sogt da Buchegger: „Auwei! - A so a Holzknecht, der kimmt tei!</p>
<p>Der Haller Vizeburgermoaster, Hans Zachhuber, so hoaßt er, kracht mitn Traktor wia a Bleder ums Hauseck draust ban Schiaßeder, schmeißt sei Fuhr dortn um, aber koaner woäß, warum. Ba Politikern, jo mei, is oft a „Umfaller“ dabei!</p>	<p>D' Weihnachtsbeleuchtung z' Adlwang – in Buagamoastan dauert's z' lang, Da Mayr Koal entscheid't desweg'n in dem Fall selber Hand an z'leg'n. Und wiara grad so durchprobiert hod er an „Kurz'n“ „produziert“. Auf amoi, do hods „blitzt“ und „tuscht“! – Hellaus is, waun da Karli „pfuscht“</p>
<p>Foarst heutzutags an VW, gehts mit de Abgaswert' in d' Höh', des is den mehran oba wurscht, hauptsoch is, es wird fest ghuarscht, und in de Wirtsheisa, hoid jo, san d' Raucher a wieder do(h), weil da H.C. Strache grad selber bofelt wia a Schlot!</p>	<p>Da Thanner Sepp bringt vor ana Zeit a sexy Foto „unter d' Leut“, do hot sei feschi, „schoafi“ Frau koan oanzig'n „G'wandlfetz'n“ au. Da Sepp, er hot si nämlich dacht, bei so viel Schönheit wa 's do g'lacht, fandt si' im Internet koa Platzl für so a geiles „Nockapatzl!</p>
<p>„Homo-Ehe“ recht und schee – oba net für d' FPÖ! Da Haimbuchner, er is dageg'n und gibt in Landsleut'n net sein Seg'n. Für eahm, da schlagerts wirkli ois, heiratat da Franz in Lois, nur doss in Sepp adoptier'n und eahm dann ois „hint eni“ schiab'n!</p>	<p>Leider is schau wieda aus mit Oan va de zwoa „Vogel Strauß“, denn in „Franzl“ sei „Sisi“ is „hi“ word'n – des is schad' a bissi. Noch ana Flucht, noch ana launga, is „Nandu-Weiberl“ nach'n Faunga in ihr'n „Kobel“ ganz gach g'storb'n - in Siag'n wa 's eh net glücklich word'n!</p>